

КАФИСМА ТРЕТЬЯ

¹ В конѣц, отроку Господню Давиду,
яже глагола Господеви
словеса песни сея, в день,
воньже избави его Господь
от руки всех враг его,
и из руки Саули, и рече: 17

² Возлюблю Тя, Господи, крепосте моя. ³ Господь утверждение мое, и прибежище мое, и Избавитель Мой, Бог мой, Помощник мой, и уповаю на Него, Защититель мой, и рог спасения моего, и Заступник мой. ⁴ Хваля призову Господа и от враг моих спасуся. ⁵ Одержаша мя болезни смертныя, и потоцы беззакония смятоша мя, ⁶ болезни адовы обыдоша мя, предварша мя сети смертныя. ⁷ И внемлет скорбети ми, призвах Господа, и к Богу моему возвах, услыша от храма Святаго Своего глас мой, и вопль мой пред Ним внидет во уши Его. ⁸ И подвижется, и трепетна бысть земля, и основания гор смятошася и подвигошася, яко прогнеवासя на ня Бог. ⁹ Взыде дым гневом Его, и огонь от лица Его воспламенится, углие возгорется от Него. ¹⁰ И приклонит небеса, и сниде, и мрак под ногами Его. ¹¹ И взыде на Херувимы, и летет, летет на крилу ветренню. ¹² И положи тму закров Свой, окрест Его селение Его, темна вода во облацех воздушных. ¹³ От облистания пред Ним облацы проидоша, град и углие огненное. ¹⁴ И возгрем с Небес Господь и Вышний даде глас Свой. ¹⁵ Низпосла стрелы и разгна я, и молнии умножи и смяте я. ¹⁶ И явися источицы воднии, и открышася основания вселенныя, от запрещенія Твоего, Господи, от дохновения духа гнева Твоего. ¹⁷ Низпосла с высоты, и прият мя, восприят мя от вод многих. ¹⁸ Избавит мя от врагов моих сильных и от ненавидящих мя, яко утвердишася паче мене. ¹⁹ Предварша мя в день озлобления моего, и бысть Господь утверждение мое. ²⁰ И изведе мя на широту, избавит мя, яко восхотет мя. ²¹ И воздаст ми Господь по правде моей и по чистоте руку мою воздаст ми. ²² Яко сохраних пути Господни и не нечествовах от Бога моего. ²³ Яко вся судьбы Его предо мною и оправдания Его не отступиха от мене. ²⁴ И буду непорочен с Ним, и сохранюся от беззакония моего. ²⁵ И

воздаст ми Господь по правде моей и по чистоте рук моею пред очима Его. ²⁶ С преподобным преподобен будеши, и с мужем неповинным неповинен будеши, ²⁷ и со избранным избран будеши, и со строптивым развратишия. ²⁸ Яко Ты люди смиренные спасеши и очи гордых смириши. ²⁹ Яко Ты просветиши светильник мой, Господи, Боже мой, просветиши тму мою. ³⁰ Яко Тобою избавлюся от искушения и Богом моим преиду стену. ³¹ Бог мой, непорочен путь Его, словеса Господня разжжена, Защититель есть всех уповающих на Него. ³² Яко кто бог, разве Господа? или кто бог, разве Бога нашего? ³³ Бог препоясуй мя силою, и положи непорочен путь мой. ³⁴ Совершай ноге мой, яко елени, и на высоких поставляй мя. ³⁵ Научаяй рuce мой на брань, и положи еси лук медян мyщца моя. ³⁶ И дал ми еси защищение спасения, и десница Твоя восприят мя, и наказание Твое исправит мя в конец, и наказание Твое то мя научит. ³⁷ Уширил еси стопы моя подо мною, и не изнеможете плесне мой. ³⁸ Пожену враги моя, и постигну я, и не возвращуся, дондеже скончаются. ³⁹ Оскорблю их, и не возмогут стати, падут под ногами моима. ⁴⁰ И препоясал мя еси силою на брань, спял еси вся востающыя на мя под мя. ⁴¹ И врагов моих дал ми еси хребет, и ненавидящыя мя потребил еси. ⁴² Возваша, и не бе спасаей: ко Господу, и не услыша их. ⁴³ И истню я яко прах пред лицом ветра, яко брение путей поглажду я. ⁴⁴ Избавиши мя от пререkania людей, поставиши мя во главу языков. Люди, ихже не ведех, работаша ми. ⁴⁵ В слух уха послушаша мя. Сынове чуждии солгаша ми. ⁴⁶ Сынове чуждии обетшаша и охромаша от стезь своих. ⁴⁷ Жив Господь, и благословен Бог, и да вознесется Бог спасения моего. ⁴⁸ Бог дай отмщение мне и покоривый люди под мя. ⁴⁹ Избавитель мой от враг моих гневливых, от востающих на мя вознесеши мя, от мужа неправедна избавиши мя. ⁵⁰ Сего ради исповемся Тебе во языцех, Господи, и имени Твоему пою: ⁵¹ величаяй спасения царева, и творяй милость христу Своему Давиду, и семени его до века.

Слава:

¹ В конец, псалом Давиду, 18

² Небеса́ пове́дают сла́ву Бо́жию, творе́ние же руку́ Его́ возвеща́ет твердь. ³ День дни отрыга́ет глаго́л, и ночь но́щи возвеща́ет разу́м. ⁴ Не суть ре́чи, ниже́ словеса́, ихже не слы́шатся гла́си их. ⁵ Во всю зе́млю изы́де веща́ние их и в концы́ вселенны́я глаго́лы их. В со́лнце положи́ селение́ Своё, ⁶ и Той, я́ко Жени́х исходя́й от черто́га Своего́, возра́дуется, я́ко Исполи́н теши́ путь. ⁷ От кра́я небесе́ исхо́д Его́, и сре́тение Его́ до кра́я небесе́, и несть и́же укры́ется тепло́ты Его́. ⁸ Зако́н Госпо́день непоро́чен, обраща́яй ду́шы, свиде́тельство Госпо́дне ве́рно, умудря́ющее младе́нцы. ⁹ Оправда́ния Госпо́дня пра́ва, веселя́щая се́рдце, за́поведь Госпо́дня светла́, просвеща́ющая о́чи. ¹⁰ Стра́х Госпо́день чист, пребыва́яй в век ве́ка: судьбы́ Госпо́дни и́стинны, оправда́ны вку́пе, ¹¹ вожде́ленны па́че злата́ и ка́мене че́стна мно́га и сла́ждша па́че ме́да и со́та. ¹² Ибо раб Твой хранит́ я́, внегда́ сохра́нити я́, воздая́ние мно́го. ¹³ Грехопаде́ния кто́ разуме́ет? От та́йных мои́х очи́сти мя, ¹⁴ и от чужди́х пощади́ раба́ Твоего́, а́ще не облада́ют мно́ю, тогда́ непоро́чен бу́ду и очи́щуся от греха́ вели́ка. ¹⁵ И бу́дут во благово́ление словеса́ уст мои́х, и поуче́ние се́рдца моего́ пред Тобо́ю вы́ну, Го́споди, Помо́щниче мой и Изба́вителю мой.

¹ В конце́, псалом Давиду, 19

² Услы́шит тя Госпо́дь в день печа́ли, защи́тит тя имя́ Бо́га Иа́ковля. ³ По́слет ти по́мощь от Свята́го и от Сио́на засту́пит тя. ⁴ Помяне́т вся́ку же́ртву твою́, и всесо́жже́ние твоё ту́чно бу́ди. ⁵ Даст ти Госпо́дь по се́рдцу Твоему́ и весь сове́т твой испо́лнит. ⁶ Возра́дуемся о спасе́нии твоём и во и́мя Го́спода Бо́га на́шего возвели́чимся. Испо́лнит Госпо́дь вся́ проше́ния тво́я. ⁷ Ныне позна́х, я́ко спасе́ Госпо́дь христа́ Своего́, услы́шит его́ с Небесе́ Свята́го Своего́, в си́лах спасе́ние десни́цы Его́. ⁸ Си́и на колесни́цах, и си́и на ко́нех, мы же во и́мя Го́спода Бо́га на́шего призове́м. ⁹ Ти́и спя́ти бы́ша и падо́ша, мы же воста́хом и испра́вихомся. ¹⁰ Го́споди, спаси́ царя́ и услы́ши ны, во́ньже а́ще день призове́м Тя.

¹ Псалом Давиду, 20

² Гóсподи, сiлою Твоёю возвеселiтся царь и о спасёнии Твоём
возрадуется зело. ³ Желáние сёрдца его дал есi ему, и хотёния
устнóу его нёси лишiл его. ⁴ Яко предварiл есi его благословёнием
благосты́нным, положiл есi на главё его венёц от кáмене чёстна. ⁵
Животá просiл есть у Тебё, и дал есi ему долготóу дний во век вёка.
⁶ Вёлия сла́ва его спасёнием Твои́м, сла́ву и велелёпие возложiши
на него. ⁷ Яко дáси ему благословёние во век вёка, возвеселиши его
ра́достью с лицём Твои́м. ⁸ Яко царь упова́ет на Гóспода, и
мiлостью Вы́шняго не подви́жится. ⁹ Да обря́щется рука́ Твоя́ всем
враго́м Твои́м, десни́ца Твоя́ да обря́щет вся ненави́дящыя Тебё. ¹⁰
Яко положи́ши их я́ко пещь о́гненную во вре́мя лица́ Твоего́,
Госпо́дь гнёвом Свои́м смятёт я́, и снёсть их огонь. ¹¹ Плод их от
земли́ погуби́ши, и се́мя их от сыно́в челове́ческих. ¹² Яко уклони́ша
на Тя злáя, помы́слиша советы́, iхже не возмо́гут состави́ти. ¹³ Яко
положи́ши я́ хребёт, во избы́тцех Твои́х угото́виши лице́ их. ¹⁴
Вознеси́ся, Гóсподи, сiлою Твоёю, воспоём и поём сiлы Твоя́.

Слава:

¹ В конёц, о заступлении
утреннем, псалом Давиду, 21

² Бóже, Бóже мой, вонми́ ми, вскóую оста́вил мя есi? Далёче от
спасёния моего́ словеса́ грехопадёний мои́х. ³ Бóже мой, воззовóу во
дни, и не услы́шиши, и в но́щи, и не в безóумие мне. ⁴ Ты же во
Святём живёши, хвалó Израiлева. ⁵ На Тя упова́ша отцы́ на́ши,
упова́ша и избáвил есi я́. ⁶ К Тебё воззва́ша, и спасóшася, на Тя
упова́ша, и не постыдéшася. ⁷ Аз же есмь червь, а не человек,
поноше́ние челове́ков и уничи́жение людéй. ⁸ Всеи́ видящии мя
поругáша ми ся, глаго́лаша устна́ми, покива́ша главо́ю: ⁹ упová на
Гóспода, да избáвит его, да спасёт его, я́ко хочет его. ¹⁰ Яко Ты есi
истóргий мя из чрёва, упováние моё от сосцú мáтере моея́. ¹¹ К Тебё
привёржен есмь от ложёсн, от чрёва мáтере моея́ Бог мой есi Ты. ¹²
Да не отстúпиши от мене́, я́ко скорбь близ, я́ко несть помога́й ми.
¹³ Обыдо́ша мя тельцы́ мно́зи, юнцы́ тóчнии одержáша мя. ¹⁴
Отверзо́ша на мя уста́ своя́, я́ко лев восхища́й и рыка́й. ¹⁵ Яко
водá изли́хся, и разсы́пашася вся кóсти моя́, бысть сёрдце моё я́ко
воск, тая́й посреде́ чрёва моего́. ¹⁶ Изсше́ я́ко скудёлъ крёпость

моя, и язык мой прильпé гортáни моему, и в персть смёрти свел мя еси. ¹⁷ Яко обыдóша мя пси мно́зи, сонм лука́вых одержáша мя, ископáша рúце мой и нóзе мой. ¹⁸ Исчетóша вся кóсти моя, тii же смотри́ша и презре́ша мя. ¹⁹ Раздели́ша рiзы моя себе, и о оде́жди моéй метáша жрéбий. ²⁰ Ты же, Гóсподи, не удали́ пóмощь Твою от мене́, на заступлéние моé вонми. ²¹ Избáви от ору́жия дúшу мою, и из руки́ пéсии единорóдную мою. ²² Спаси́ мя от уст львóвых и от рог единорóжь смирéние моé. ²³ Повéм iмя Твое́ брáтии моéй, посреде́ цёркве воспою́ Тя. ²⁴ Боя́щиеся Гóспода, восхвалите́ Его, все сéмя Иáковле, прослáвите Его, да убойт́ся же от Него́ все сéмя Изра́илево. ²⁵ Яко не уничи́жи, ниже́ негодова́ моли́твы ни́щаго, ниже́ отврати́ лице́ Своё от мене́, и егда́ воззва́х к Нему, услы́ша мя. ²⁶ От Тебе́ похвала́ моя, в цёркви вели́цей испове́мся Тебе́, моли́твы моя́ возда́м пред боя́щимися Его. ²⁷ Яды́т убо́зии и насы́тятся, и восхва́лят Гóспода взыска́ющие Его, жива́ бúдут сердца́ их в век вéка. ²⁸ Помяну́тся и обрат́ятся ко Гóсподу вси концы́ земли́, и поклóнятся пред Ним вся отéчествия язы́к. ²⁹ Яко Госпóдне есть ца́рствие, и Той облада́ет язы́ки. ³⁰ Ядо́ша и поклони́шася вси тúчнии земли́, пред Ним припадúт вси низходя́щие в зéмлю, и душа́ моя́ томú живёт. ³¹ И сéмя моé порабо́тает Ему, возвестит́ Гóсподеви род грядúщий. ³² И возвестят́ правду́ Его лю́дем ро́ждшымся, я́же сотвори́ Госпóдь.

Псалом Давиду, 22

¹ Госпóдь пасёт мя, и ничто́же мя лишит́. ² На мéсте зла́чне, та́мо всели́ мя, на воде́ поко́йне воспита́ мя. ³ Дúшу мою обрати́, наста́ви мя на стези́ правды, iмене́ ради́ Своего́. ⁴ Аще́ бо и пойду́ посреде́ сéни смёртныя, не убою́ся зла, я́ко Ты со мно́ю еси́, жезл Твой и пáлица Твоя́, та мя уте́шиста. ⁵ Угото́вал еси́ предó мно́ю трапéзу сопроти́в стужа́ющим мне, ума́стил еси́ еле́ом главу́ мою, и ча́ша Твоя́ упоява́ющи мя, я́ко держа́вна. ⁶ И ми́лость Твоя́ поженёт́ мя вся дни́ живота́ моего́, и éже всели́ти ми ся в дом Госпóдень, в долготу́ дней.

Псалом Давиду, еди́ныя от суббот, 23

¹ Господня земля, и исполнение ея, вселенная и вси живущии на ней. ² Той на морях основал ю есть, и на реках уготовал ю есть. ³ Кто взыдет на гору Господню? или кто станет на месте святем Его? ⁴ Неповинен руками и чист сердцем, иже не прият всеу душу свою, и не клятса лестью искреннему своему. ⁵ Сей примет благословение от Господа, и милостыню от Бога, Спаса своего. ⁶ Сей род ищущих Господа, ищущих лице Бога Иаковля. ⁷ Возмите врата князи ваша, и возमितесь врата вечная, и внидет Царь славы. ⁸ Кто есть сей Царь славы? Господь крепок и силен, Господь силен в брани. ⁹ Возмите врата князи ваша, и возमितесь врата вечная, и внидет Царь славы. ¹⁰ Кто есть сей Царь славы? Господь сил, Той есть Царь славы.

Слава:

По 3-й кафисме, Трисвятое.

Таже тропари, глас 3: Живущи на земли, душе моя, покайся: персть во гробе не поет, прегрешений не избавляет. Возопий Христу Богу: Сердцеведче, согреших, прежде даже не осудиши мя, помилуй мя. Доколе, душе моя, пребываеши в прегрешениях? Доколе приемлещи покаяния предложение? Приими во ум суд грядущий и возопий Господу: Сердцеведче, согреших, прежде даже не осудиши мя, помилуй мя.

Слава: На Страшном судищи без оглагольников обличаюся, без свидетелей осуждаюся, книги бо совестныя разгибаются, и дела сокровенная открываються. Прежде неже во оном всенародном позорищи имаши испытати, яже мною содеянная, Боже, очисти мя и спаси мя.

И ныне: Недоразумеваемое и непостижимое есть, Владычице Богоблагодатная, содеянное о Тебе страшное таинство: Необъемлемаго бо, зачэнши, родила еси, плотию обложеннаго от чистых кровей Твоих: Егоже, Чистая, яко Сына Твоего, моли спасти вся поющыя Тя.

Господи, помилуй (40) и молитва:

Господи Вседержителю, Слове Пребезначальнаго Отца, Самосовершенный Боже Иисусе Христе, милосердия ради безприкладнаго милости Твоея, никакоже разлучайся Твоих рабов, но присно в них почиваяй, не остави мя, раба Твоего, Всесвятый Царю, но даждь мне, недостойному, радование спасения

Твоего и просвети мой ум светом познания Евангелия Твоего, душу мою любовью Креста Твоего обяжи, тело же мое Твоим безстрастием украси, мысли умири и нозе мои сохрани от поползновения, и не погуби мя со беззаконными моими, Благий Господи, но искуси мя, Боже, и вразуми сердце мое, испытай мя и увежди стези моя, и виждь, аще путь беззакония во мне, и отврати от него, и настави мя на путь вечен. Ты бо еси Путь, и Истина, и Жизнь, и Тебе славу возсылаем со Безначальным Твоим Отцем и Пресвятым, и Благим, и Животворящим Духом ныне и присно и во веки веков, аминь.